

# مجله تاریخی

مطبعه و محل اداره :

جفال اوغلنده امنیت  
صندوقی جوارنده  
شکول یقوشنده  
۲۷ نومرو

مسلمکزه موافق آثار  
جدیده مع المنونیه  
قبول اولنور

درج ایدله بن آثار اعاده اولنماز

دیه ، فلسفه ، علوم ، حقوق ، ادبیات تاریخ ، سیاسیانده و بالخاصه احوال و شئونه اسوه دیه بحث ایدر و هفته ده بر نشر اولنور .

صاحب و مؤسسلری :

آبونه بدلی

در سعادتده نسخہ سی ۵۰ یارده در

ابوالعلا زین العابدین - ح . اشرف ادیب  
تاریخ تأسیسی

| سنه لکی | التی آیلنی | غروش |
|---------|------------|------|
| ۶۵      | ۳۵         | ۳۰۰  |
| ۶۰      | ۳۰۰        | ۲۰۰  |
| ۱۷      | ۹          | ۱۷   |

۱۰ تموز ۳۲۴

قیرله دن مقوا بورو ایله کوندر

۲۰ غروش فضله آلنبر

۷ شوال ۱۳۲۹ پنجشنبه ۱۷ ایلول ۱۳۲۷

عدد : ۱۶۰

یدنجی جلد

## روضة القراء

— ۲۲ —

ابوموسی الاشعری رضی الله عنه

اسم شریفی ( عبدالله بن قیس ) در . منسوب اولدقلری ( أشعر ) یمنده برقبیلہ نک اسمیدر . اوقبیلہ نک پدرلری اولان ( نبت بن ادد ) کوده سی قبیللی طوغمش اولدیندن فتح شین ایله قیل دیمک اولان شعردن اخذ ایله صفت مشبه اوله رق ( أشعر ) تسمیه اولمش واولاد واحفادینه ( اشعری ) و ( اشعریون ) و ( اشاعره ) دیمشدر . ابوموسی حضرتلری قبل الهجره قبیلہ سی خلقیلہ و کندی برادرلری ابو عامر بن قیس و ابو رده بن قیس و ابو رهم بن قیس ایله مکة مکرمه یه کلوب شرف اسلام ایله مشرف اولمشلرینه وطنلرینه عودت ایتمشلردر . مؤخرأ حبشه مهاجرلری ایله برلکده کلوب رسول الله ملاقی اولمشلردر . بوجهته حضرت ابوموسی خیردر صکره اولان مشاهده بولنه بیلیمشدر . خیر غنائمندن دخی حضرت فخر رسل آنلره حصه اعطا بیورمشدر . وقعة اوطاسده عموجهلری ابو عامر الاشعری نک شهادتی اوزرینه حربی حضرت ابوموسی قازانمشدر . اواخر عصر سعادتده یمنده مأرب مدیری علی قول زبید و عدن ساحلنه وارنجیه قدر اولان جوانینه والی اولمشدر . حضرت عمر رضی الله عنه مغیره بن شعبه حضرتلرینک عزلی اوزرینه حضرت ابوموسیایی بصره والیسی ایتمشلردر . حضرت عثمان رضی الله عنه برارالق ابوموسیایی بصره دن عزل ایتمشلرایسده اهلینک طلبی اوزرینه مؤخرأ ینه نصب ایلیمشلردر . حضرت ابوموسی بصره عسکری امیری اوله رق ایران فتوحندهده بولمشدر . حضرت علی زمانده ابوموسی حضرتلری بصره والیسی ایدیلر . اخیرأ معزول اولدیلر . صفینده حکم اولوب الداندیلر . انک اوزرینه مکة مکرمه یه کیدوب قرق ایکی تاریخنده ارتحال دار آخرت ایلدیلر . او جیوز التمش حدیث شریف روایت ایتمشلردر . صحیحینده التمش سکزی مذکوردر . دردنده امام بخارینک و اون بشنده امام مسلمک انفرادی و باقیسنده شیخینک اتفاقلری واردر . کندیلری قتیبه نک تعریفنه کوره خفیف الجثه ، نصیر القامه و کوسه ایمشلر . قرآن کریمی بطریق العرض فخر کائنات علیه اکمل التحيات افندمن حضرتلرندن اخذ ایتمشلردر . ذات ستوده سماتلری قرآن کریمی خوب صدا و حسن ادا ایله یک کوزل تلاوت ایدرلرایمش . بوجهته مظهر ثناء نبوی دخی اولمشلردر . خطبه لرده خلفایه دعا صاحب ترجمه ابوموسی حضرتلرندن مأثوردرکه بصره والیلک لرنده جمعه خطبه سنی او قودقجه حضرت عمر الفاروقه دعا ایدرلر ایدی .

— ۲۳ —

حطان بن الرقاشی رحمه الله

اسم شریفلری ( حطان ) پدرلرینک نامی ( عبدالله ) در . نسیسدوس قبیلہ سندن اولوب علم و زهد و تقوی صاحبی ایدی . قرآنی

بطریق العرض ابوموسی الاشعری رضی الله عنه حضرتلرندن اخذ ایلدیکی کبی حسن بصری حضرتلریده بطریق العرض ذات مبارکلرندن اخذ ایتمشدر . هجرت جلیله نبویه علیه اکمل التحيه نک ( ۷۰ ) سنه . سندن صکره عازم کلشنسرای عالم عقبا اولمشلردر .

— ۲۴ —

ابورجاء العطارى رحمه الله

اسم عالیلری ( عمران ) پدرلرینک نامی ( تیم یاخود ملحان ) در . بصره رجالتندن و کبار تابعیندن اولوب هجرت سفینه دن اون برسنه مقدم مهدارای عالم وجود اولمشلردر . بی ذیشان افندمن حضرتلرینک زمان سعادت لرنده قبول اسلام ایلدیکی حالده وجه سعادت نبی محبتایی کورمک شرفه نائل اوله مشدر . قرآن کریمی بطریق العرض علی بن ابی طالب و ابن عباس حضرتلرندن اخذ ایتدیکی کبی ابوموسی الاشعری حضرتلرندن دخی اخذ و تاقی ایتمش و ابوموسی الاشعری قرآن عظیم الشانی بزه بشر آیت تعلیم بیوریرلردی دیمشدر . ابوبکر الصدیق رضی الله عنه حضرتلرینه ملاقی اولوب انلردن و عمر بن الخطاب رضی الله عنه حضرتلرندن و دیگر اصحاب کرامدن روایت حدیث ایتمشدر . ابو الاشهب العطارى قرآن جلیلی بطریق العرض ذات ستوده سماتلرندن اخذ ایدوب بصره ده فن جایل قرائتی نشر ایتمشدر . اون کیجهده برقرآن کریمی ختم ایتمک عادت سذیلرندن ایتمش . ( ۱۰۵ ) تاریخ هجر بسنده ( ۱۲۸ و یا ۱۳۰ ) یاشنده اولدقلری ارتحال دارنیم بیورمشلردر .

خواجه زاده

چنگل کوبی

احمد حلمی

## دور پیغمبری تاریخیچه سی

انوار اسلامیت خطه حجازیه ده بارلادی . چونکه ایکی جهان کوشی او مبارک قطعه ده طوغدی . هم او یله بر زمانده طوغدی که چوللرده کی بدویلرک دکل ، حجازک مرکزی صایلان مکده کی مدنیلرک بیله جهالت ، کوزلرینی بورومش ؛ غفلت ، یوللرینی شاشیرتمش ؛ هربری طاشدن آغاجدن پایلان پوتلره طاباجق درجه ده حماقته ، قیز چوجو قلرینی دیری دیری کرمه جاک درکه ده وحشته دوچار اولمشدی . زیر مکة و حوالیسینک یکانه پیغمبری بولونان حضرت اسماعیلک و قاتندن تخمیناً ایکی بیگ التی یوز سنه قدر کچمش و بو مدت مدیده ظرفنده احکام شریعتی — بنض بقایاسندن ماعدا — اونوتولوب کیتمشدی .

بویله بر فترت آناسنده و میلاد عیسایانک ( ۵۶۹ ) یاخود ( ۷۰ ) و یاخود ( ۷۱ ) نجی سنه سنده او نبی جلیل ، یعنی اسماعیل بن خلیلک نسل کریمندن ( عبدالله بن عبدالمطلب ) ک مکده بر اوغلی وجوده کلدی که بو نوزاد مقدس ، رسول اکرم و اقدس افندمن ایدی . و اسفا که جناب عبدالله مخدوم کریمینک تولدینی کورده مه مش ؛